

詩經傳註卷七

大雅

蕩之什第二十五

蕩蕩上帝下民之辟疾威上帝其命多辟天生烝民其命匪謫靡不有初鮮克有終○文王曰咨咨女殷商曾是彊禦曾是掊克曾是在位曾是在服天降惛德女興是力○文王曰咨咨女殷商而秉義類彊禦多慙流言以對寇攘式內侯作侯祝靡屈靡究○文王曰咨咨女殷商女無恤于中國斂怨以爲德不明爾德時無背無側爾德不明以無陪無卿○文王曰咨咨女殷商天不誨爾以酒不義從式旣愆爾止靡明靡晦式號式呼俾晝作○夜文王曰咨咨女殷商如蜩如蟬如沸如羹小大近喪人尙乎由行內壘于中國覃及鬼方○文王曰咨咨女殷商匪上帝不時殷不用舊雖無老成人尙有典刑曾是莫聽大命以

傾○文王曰咨咨女殷商人亦有言顛沛之揭枝葉未有害本實先撥殷鑒不遠在夏后之世

魚白交反焦火交反彘皮器反

辟辟韻諶終韻有入之通也文王二句每章作首聲不入韻克服力韻懟內究韻國德側韻明卿韻酒式止晦呼夜韻蟾羹喪行方韻時舊韻刑傾韻揭撥韻害世韻隔合也○序曰召穆公傷周室大壞也厲王無道天下蕩蕩無綱紀文章故作是詩也○蕩蕩法度廢壞之貌箋上帝以託君王也傳辟君也重賦斂以疾病人峻刑法以威罪人命政教也傳辟邪也烝衆也命天命也諶誠也爾雅言蕩蕩然之上帝爲下民之君也疾威之上帝其政教率多邪僻以致百姓皆化於惡豈天命之道不可信乎蓋生人之初無有不善而君臣道之以惡少克終耳此通篇之綱也下皆爲文王嘆紂之辭以明之咨嗟也殷商指紂也彊禦彊梁而禦止善人使不行也檜克聚斂也服服政事也

滔如滔天之滔滔肆也興起用之也言曾是小人而用之高位是天降淫德以害民而女又興起之以助其氣力也女指王也而亦汝也懟狠戾也正義對

遂也

爾雅

作同詛祝告神也屆極究窮也

爾雅

言爾當秉執義理之善類乃今彊

禦多戾流言是遂寇盜攘奪之人用之於內使之互相詛怨禱告明神無所窮極是何故哉焦然猶彭亨也言盛氣於國中斂人之怨而反自以爲德也陪貳也指三公也言爾德不明則雖有背逆反側者有堪爲公卿者皆不知而若無也

顏氏說

飲酒齊色曰涵

箋

言天未嘗使爾酒形於面而爾乃惟不義

是從是用既愆過於容止而又不論明晦酗酒號呼俾晝而困倦乃鼾睡作夜政事皆廢謂之何哉蝸蟻皆蟬也懟怒也言殷商之亂如蝸蟻之鳴如湯之正沸如羹之方熟無小無大皆近於喪亡而人猶以此爲尙由行不息以致中外怨怒也不時謂帝命不以時降也老成舊人也典刑舊法也聽聽信

典刑也顛仆沛拔揭見根貌撥猶絕也

傳箋

謂枝葉如諸侯未有畔害而廟堂

先蹶覆也殷鑒在夏明周鑒在殷也

蕩八章章八句

抑抑威儀維德之隅人亦有言靡哲不愚庶人之愚亦職維疾哲人之愚亦維斯戾○無競維人四方其訓之有覺德行四國順之訏謨定命遠猶辰告敬慎威儀維民之則○其在于今興迷亂于政顛覆厥德荒湛于酒女雖湛樂從弗念厥紹罔敷求先王克共明刑○肆皇天弗尙如彼泉流無淪潛以亡夙興夜寐洒掃廷內維民之章修爾車馬弓矢戎兵用戒戎作用邊蠻方○質爾人民謹爾侯度用戒不虞慎爾出話敬爾威儀無不柔嘉白圭之玷尙可磨也斯言之玷不可爲也○無易由言無曰苟矣莫捫朕舌言不可逝矣無言不讎無德不報惠于朋友庶民小子子孫繩繩萬民靡不承○視爾友君子輯柔爾顏不

遐有愆相在爾室尙不愧于屋漏無曰不顯莫予云觀神之格思不可度思矧
可射思○辟爾爲德俾臧俾嘉淑慎爾止不愆于儀不僭不賊鮮不爲則投我
以桃報之以李彼童而角實虹小子○荏染柔木言緡之絲溫溫恭人維德之
基其維哲人告之話言順德之行其維愚人覆謂我僭民各有心○於乎小子
未知臧否匪手攜之言示之事匪面命之言提其耳借曰未知亦旣抱子民之
靡盈誰夙知而莫成○昊天孔昭我生靡樂視爾夢夢我心慘慘誨爾諄諄聽
我藐藐匪用爲教覆用爲虐借曰未知亦聿旣耄○於乎小子告爾舊止聽用
我謀庶無大悔天方艱難曰喪厥國取譬不遠昊天不弔回遹其德俾民大棘
儀隅愚韻疾才詣切與戾韻人訓順韻告則韻政從刑韻尙亡章方韻度慮
儀嘉磨爲韻苟逝韻讎報韻友子韻繩承韻顏愆韻漏觀韻格度射韻嘉儀
韻賊則韻李子韻絲基韻言行韻有入之通也僭行韻否事耳子韻盈成韻

昭樂韻慘音燥藐虐耄韻子止謀悔韻國忒德棘韻○序曰衛武公刺厲王亦以自警也○惲臬聞曰武公以宣王十六己酉卽位至平王十三年癸未卒凡在位五十五年中身正當幽王之時序爲刺厲王者蓋以前後俱厲王詩而誤耳按國語謂武公作懿戒以自警卽此詩也○抑抑密也隅廉隅也鄭康成曰人密審於威儀者其德必嚴正也古之賢者道行心平可外占而知內如宮室之制內有繩直則外有廉隅也無哲不愚慨歎之辭也哲而不見德隅非愚而何戾反戾也朱註無競維人言莫彊於得人也左傳得賢才則可以教訓四方矣覺直也傳訐大謨謀猶道辰時也爾雅興猶尙也紹繼共執刑法也傳言汝雖湛樂之從獨不念繼前人之緒乎不布求先王之道以執守明法乎淪胥以亡如泉流之漂沒也章表也戎作用兵也邇同剔剔治也夙興三句不泄邇也修爾四句不忘遠也質成虞慮柔安嘉善玷缺也由

捫持逝往不可逝謂不可輕出也讎答也

正義

惠順也朋友共學之人也庶民

小子小民也繩繩戒也

爾雅

言能順於朋友以及小民則子孫世守敬戒而萬

民承流於下矣君子在位者也友友愛之也安柔爾顏豈不遠於有過乎言

謹於外也相亦視也屋漏室西北隅也視在爾室庶不愧于屋漏言慎於內

也無曰莫覩鬼神式臨申明爾視之當慎也格至矧况射厭也

傳箋

辟君也君

爾猶言君也其爲德也必宜使之臧必宜使之嘉果淑慎其容止不愆於威

儀而且不僭差不賊害則民之不以爲則者鮮矣投桃報李事有必然可爲

喻也若謂不必修德而可以服人是謂童羊而有角也則實潰亂汝小子而

已虹潰也

傳

荏染柔忍之貌緡綸也以柔木可被弓弦興恭人能立德基也

於乎嘆詞以儆之也言汝小子尙不知善否乎我非但手攜且示之事矣非

但面命且提其耳矣若曰未有知識則已抱子長大矣人苟不自盈滿能受

善言誰早有所知而反晚成者乎

朱註

昊天孔昭言天不可欺也我生靡樂言

生逢艱難無有樂事也慘慘憂貌藐藐不入貌匪用爲教不以我言爲教也覆用爲虐反惡我言之聒耳而肆虐是豈幼而無知乎亦既八十九十而耄矣舊舊章也取譬不遠言我譬喻之言皆切近也昊天不忒言天道福善禍淫不差忒也回遹邪僻也棘急也若邪僻其德則使民大急而天必以艱難加之喪厥國矣

抑十二章三章章八句九章章十句

苑彼桑柔其下侯甸將采其劉瘼此下民不殄心憂倉兄填兮倬彼昊天寧不我矜○四牡騤騤旗旐有翩亂生不夷靡國不泯民靡有黎具禍以燼於乎有哀國步斯頻○國步蔑資天不我將靡所止疑云阻何往君子實維秉心無競誰生厲階至今爲梗○憂心殷殷念我土宇我生不辰逢天憊怒自西徂東靡

所定處多我覲瘡孔棘我圉○爲謀爲毖亂况斯削告爾憂恤誨爾序爵誰能
執熟逝不以濯其何能淑載胥及溺○如彼邇風亦孔之僣民有肅心莽云不
逮好是稼穡力民代食稼穡維寶代食維好○天降喪亂滅我立王降此蠱賊
稼穡卒痒哀恫中國具贅卒荒靡有旅力以念穹蒼○維此惠君民人所瞻秉
心宣猶考慎其相維彼不順自獨俾臧自有肺腸俾民卒狂○瞻彼中林甡甡
其鹿朋友已譖不胥以穀人亦有言進退維谷○維此聖人瞻言百里維彼愚
人覆狂以喜匪言不能胡思畏忌○維此良人弗求弗迪維彼忍心是顧是復
民之貪亂寧爲荼毒○大風有隧有空大谷維此良人作爲式穀維彼不順征
以中垢○大風有隧貪人敗類聽言則對誦言如醉匪用其良覆俾我悖○嗟
爾朋友予豈不知而作如彼飛蟲時亦弋獲旣之陰女反予來赫○民之罔極
職涼善背爲民不利如云不克民之回斲職競用力○民之未戾職盜爲寇涼

日不可覆背善詈雖曰匪予既作爾歌

俾都但反瘡武巾反一音昏
優音愛非普耕反姓所巾反

旬民填矜韻矜音芹柔劉憂韻隔合也
翩泯燼頻韻睽夷黎哀韻隔合也將
往韻競梗韻資疑維階韻隔合也
字怒處圍韻絃削恤爵熱濯淑溺韻優逮
韻穉食韻寶好韻王痒荒倉韻瞻相臧狂韻瞻相有入之通也
鹿穀谷韻里
喜忌韻迪復毒韻谷穀垢韻穀垢屋宥之回互也
垢去聲類醉悖韻作獲赫
韻背克力韻背克隊職之回互也
寇詈歌韻○序曰芮伯刺厲王也○箋曰
芮伯畿內諸侯王卿士也字良夫○正義曰周同姓國左傳文元年亦曰芮
良夫作○苑茂貌桑柔桑葉柔濡也
旬言陰之均也劉葉爆燥而稀也
瘼病
也人息其下日暴之故病以興王無德以陰民則民病也
殄絕也傳倉兄猶
愴怳悲憫之意也朱填塞也塞於胸也
偉明大貌矜哀憐也此以憂民之病
起通篇也夷平泯滅黎衆燼灰燼也
步行頻急也言王用兵不息禍亂日生

平寧無日四方侯國無不殘滅民無復有衆盛者俱作禍而爲灰燼嗚呼可
哀哉國行至此亦危急矣此言黠兵也蔑資無資財也不我將不我養也疑
同凝靡所止凝無養則不能寧處也云阻何往又無所之也君子有德者也
實維自思也梗如柴梗之塞路也言君子自返未有爭心是誰生禍階乃至
今爲梗乎此言民之無養而因嘆遺禍之人也俾厚自西徂東自周都至東
國也瘠病圉邊陲也傳言邊陲有兵亂而甚急也故上曰念我土宇景慎況
滋也箋言爲謀爲慎則亂之生者可以削去故告爾以當憂恤之事誨爾以
序次齒位世有執熱不濯手而往者乎世有救亂不求治而定者乎然又轉
念其君臣必不聽也何能善哉但相與歸於陷溺而已嘆其不用善言也邇
嚮僂喑然不能息也并使也言今虐政逼人如嚮風而行喑而不能息氣是
以人皆有戒心使之任事皆曰我不能及惟好是稼穡用力之民以代祿

食曰是爲寶是爲好耳言世亂而避禍退隱者衆也立王王所恃以立者即

稼穡也蟲食苗根曰蝻食節曰賊痒病也

箋

具贅卒荒言民如綴餘田盡荒

歉也旅同營

朱註

謂股肱之臣也穹蒼天形穹隆而色蒼蒼也言朝臣無有出

其膂力以念天災者也宣徧猶謀也

箋

言惠順之君秉持其心周徧謀度而

又考愼其輔相務在得賢若不順之君則自以爲善獨具肺腸徒使民皆狂

悖而已此歸咎于王也牲牲衆多也

傳

以鹿之羣處反興朋友之相讒譖而

不相善曾鹿之不如也朋友同官者也上無明君下無良臣故進退皆爲谷

陷此言朝臣之敗壞也聖通知之人也瞻言百里所見者遠也愚人卽上朋

友已譖者也覆狂以喜但喜其譖行而不知其禍之將胥亡也夫聖人豈不

能言以辨之而如王方弭謗畏忌不敢何哉言無良臣之由無明君也弗求

弗進不用善也忍心殘賊之人也顧復眷念之也是以上有好者下必甚焉

民遂貪亂而安爲苦毒之行也此言王之退君子進小人而亂民俗也西風

謂之大風

爾雅

隧道也

傳

蓋多出于空谷之中以興君子小人所行各有道也

征行也中垢中心污垢也貪人敗類則承上章專言小人之道也聽道路之

言則應對津津聞誦法詩書之言則如醉不醒置若罔聞

箋

利口不嗜善言

者其狀如此匪用其良不用善良之言也覆俾我悖反欲導我以狂悖也是

所謂敗類也貪人卽國語芮良夫所指榮夷公之類也而猶爾也蟲鳥之大

名羽蟲三百六十鳳凰爲之長是也嗟乎爾非同僚朋友乎爾之所作不善

予豈不知乎如鳥飛行自恣而時爲弋者所獲以比貪之終有禍災也予旣

進以善言欲陰覆汝而汝反赫然怒以赫我異哉

箋

民之罔極承上章民之

貪亂言也罔極無中也職涼專主涼薄也善背工于反覆也而汝貪人爲不

利民之事又如不勝民者然故民之邪僻遂專主於爭競而用力以爲之也

戾止也

爾雅

且民不止職競而已專主爲盜賊以寇害人是何乾坤哉乃不敢

甚言薄曰不可而貪人反於背面善爲詬詈以詆毀予且汝雖詭曰禍非我作而我爲世臣爲宗室敢避汝赫哉既作爾歌矣爾卽指貪人也憂之深辭之直千載而下有餘痛矣

桑柔十六章八章章八句八章章六句

倬彼雲漢昭回于天王曰於乎何辜今之人天降喪亂饑饉薦臻靡神不舉靡愛斯牲圭璧既卒寧莫我聽○旱旣大甚蘊隆蟲蟲不殄禋祀自郊徂宮上下奠瘞靡神不宗后稷不克上帝不臨耗斁下土寧丁我躬○旱旣大甚則不可推兢兢業業如霆如雷周餘黎民靡有孑遺昊天上帝則不我遺胡不相畏先祖于摧○旱旣大甚則不可沮赫赫炎炎云我無所大命近止靡瞻靡顧羣公先正則不我助父母先祖胡寧忍予○旱旣大甚滌滌山川旱魃爲虐如暎如

焚我心憚暑憂心如熏羣公先正則不我聞昊天上帝寧俾我遯○旱既大甚
黽勉畏去胡寧瘖我以旱憯不知其故祈年孔夙方社不莫昊天上帝則不我
虞敬恭明神宜無悔怒○旱既大甚散無友紀鞠哉庶正疚哉冢宰趣馬師氏
膳夫左右靡人不周無不能止瞻卬旱天云如何里○瞻卬昊天有嘒其星大
夫君子昭假無贏大命近止無棄爾成何求爲我以戾庶正瞻卬昊天曷惠其

寧

瘖都
田反

天人臻韻牲聽韻蟲宮宗臨躬韻臨躬有入之通也推雷遣擢韻沮所顧助
予韻川焚熏聞遯韻去故莫虞怒韻紀宰右止里韻星贏成正寧韻○序曰
仍叔美宣王也宣王承厲王之烈內有撥亂之志遇災而懼側身修行欲銷
去之天下喜於王化復行百姓見憂故作是詩也○正義曰春秋桓公五年
天王使仍叔之子來聘距宣王之初百餘年蓋春秋之世晉之智氏稱世伯

趙氏世稱孟仍氏或亦世稱字也爾雅曰烈餘也○回轉也薦臻連年饑饉

也傳卒用盡也言仰瞻天河光明無雲是無雨也不知今人何罪遍禱於神

牲璧皆盡而不我聽也周禮國有凶荒則索鬼神而祭之故曰靡神不舉蘊

蓄隆盛蟲蟲熱氣也自郊徂宮自郊天而宗廟也上祭天故奠陳於地下祭

地故埋瘞其牲宗尊也后稷親故言不克上帝遠故曰不臨承上章靡神不

舉寧莫我聽而言耗斁之災何以適當我身也推去也兢兢恐也業業危也

雅爾如霆雷卽兢業也孑然孤獨之貌言周所餘之衆民靡有孑然之遺者正義

豈上帝並我亦不遺留乎無民則無君矣因嘆先祖之祀將斬而摧胡不畏

懼以助我也二句例文也沮止也無所無所逃此炎蒸也大命近止死亡不

遠也靡瞻靡顧無所仰望也羣公先正卽月令仲夏命百官雩祀百辟卿士

有益於民者如句龍后稷之類也父母先祖父母以及四親也滌滌山無木